



Biblioteca Mustér e contuorn

Aboliziun dil "Regulativ Biblioteca populara
Disentis/Mustér e contuorn"

M E S S A D I

dalla suprastonza communal a al cussegl da vischnaunca

Preziau signur president
 Stimadas signuras cusseglieras
 Preziai signurs cussegliers

1. Situaziun da partenza

Per la biblioteca populara ha il cussegl da vischnaunca approbau egl onn 2012 in regulativ che reglescha il menaschi, ed igl onn 2013 ei vegniu mess en vigur supplementarmein in reglament da salarisaziun, ch'ei vegnius approbaus dalla suprastanza communal.

Per simplificar quella situaziun ein quellas duas directivas vegni resumai entras la geraua responsabla e la nova menadra dalla biblioteca tier la nova «Ordinaziun Biblioteca Mustér e contuorn». Aschia havein nus el futur sulettamein ina basa legala per la biblioteca populara, ch'ei da niev en cumpetenza dalla suprastanza communal.

2. Midadas ell'ordinaziun

Num:		Midau naven da «Regulativ Biblioteca populara Disentis/Mustér e contuorn» tier «Ordinaziun Biblioteca Mustér e contuorn»
Art. niev	Art. vegl	Midada
Art. 1	Art. 1	Formulau entuorn (« <i>Mustér e contuorn</i> ») ed amplificau cun avis concernent schlatteinas.
Art. 2	Art. 2	Formulau entuorn
Art. 4	Art. 4	Formulau entuorn (Naven da CLP sin Bibliosuisse)
Art. 6	Art. 6	Art 6 e 7 priu ensemen Amplificau las incumbensas dalla cumissiun da biblioteca sut cefra 2 Strihau cefra 3 dil vegl regulativ (niev sut art. 7)
Art. 7	Art. 8	Formulau entuorn Aschuntau las incumbensas dil menader
Art. 8	Art. 9	Formulau entuorn
Art. 11	Art. 12	Formulau entuorn
Art. 12	Art. 13	Formulau entuorn e precisau
Art. 13	Art. 14	Precisau (« <i>Per expensas extraordinarias sto la suprastanza communal vegnir contactada.</i> »)
Art. 14	Art. 15	Precisau
Art. 15	Art. 16	Definiu las indemnizaziuns directamein el regulativ (ei stau reglau avon el reglament da salarisaziun)
	Art. 17	Strihau
	Art. 18	Strihau
Art. 17	Art. 20	Adattau alla versiun actuala

4. Ponderaziuns finalas

La lavur dallas personas che miran per il menaschi dalla biblioteca duess aschia vegnir simplificada cun il regulativ surluvrau. Plinavon duessen era las collaboraturas dalla biblioteca disponer sur d'in contract da lavur valeivel sco tut ils auters collaboraturs da vischnaunca. La revisiun dil regulativ caschuna negins cuosts supplementars e neginas midadas el menaschi da mintgadi dalla biblioteca.

5. Proposta

Sin fundament dallas ponderaziuns suramenziunadas

p r o p o n a

la suprazionza communal al cussegl da vischnaunca:

1. d'abolir il «Regulativ Biblioteca populara Disentis/Mustér e contuorn», approbaus ils 9 da november 2012.
2. prender enconuschientscha dalla nova «Ordinaziun Biblioteca Mustér e contuorn» cun vigur legala naven digl 1 da schaner 2026.

Suprazionza communal Disentis/Mustér
Il president: Il meinafatschenta:



René Epp



Roland Cajacob

Disentis/Mustér, ils 25 da november 2025